

Art. 13

Consilleris

1. Sa positzioni giuridica de is consilleris e su status cosa in soru funt achistius de sa lei. Issus funt is rapresentantis de totu sa comunitadi e a issa depint torrai contu.
2. Su consilleri prus antzianu est cussu chi at tentu prus votus a is eletzionis comunali.
3. Is dimissionis de sa carriga de consilleri depint essi presentadas a su s'indigu, ca dd'as depit ponni in s'òrdini de is traballus po sa dì de su primu atòbiu de su consillu. Is dimissionis ballint de candu benint presentadas e candu su consillu ndi pigat àutu, no si podit torrai a coa.

Art. 14

Diritus e doveris de is consilleris

1. Su Regolamentu inditat is maneras de esercìtziu de su diritu d'einitiativa e de controllu de su consilleri comunali.
2. Is propostas de deliberatzioni e is emendamentus depint essi esaminadas segundu su princìpiu de su "procedimentu giustu".
- 2.BIS. Cun "procedimentu giustu" est a nai ca su provedimentu tocat a aciungi is bideas tènnicas, contàbilis e de legitimidadi e sa

comunicatzioni a sa giunta e a is meris (cabus) de is grupus consiliaris .

3. Dònna consilleri depit inditai unu domicìliu in su territòriu de su Comune.

4. Po sa trasparentza, dònna consilleri depit fai sciri, in sa manera chi narat su Regolamentou, is reditus chi tenit a s'inghitzu e a s'acabu de su mandau cosa sua.

Art. 15

Grupus consiliaris

1. Is consillaris podint fai grupus e ddu depint fai sciri a su segretàriu comunali. Chi no ddus faint o in s'interis chi ddu funt fendi, is meris (cabus) de is grupus funt is consillaris, chi no faint parti de sa giunta, chi ant tentu prus votus po dònna lista.

2. Su Regolamentou podit chistionai de conferentza de is meris (cabus) de is grupus e de is funtzionis cosa insoru.